

**BOSNA I HERCEGOVINA
FEDERACIJA BOSNE I HERCEGOVINE
BOSANSKO - PODRINJSKI KANTON
OPĆINA FOČA
MJESNA ZAJEDNICA JABUKA**

**S T A T U T
MJESNE ZAJEDNICE JABUKA**

JABUKA; 21. 07. 2017. godine

Na osnovu stava 2. Člana 28. Zakona o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine", broj: 49/06) i člana 58. stav 2 Statuta Općine Foča ("Službene novine Bosansko - podrinjskog kantona Goražde", broj: 8/08) Zbor građana mjesne zajednice Jabuka, na sjednici održanoj dana 21. 07. 2017. godine
d o n o s i :

S T A T U T

Mjesne zajednice Jabuka

I - OSNOVNE ODREDBE

Član 1.

Ovim Statutom građani Mjesne zajednice Jabuka uređuju prava i dužnosti Mjesne zajednice, način izbora organa Mjesne zajednice, njihov djelokrug, način odlučivanja, obezbjeđivanja sredstava za zadovoljavanje potreba i interesa mjesne zajednice i drugih pitanja od značaja za rad mjesne zajednice.

Član 2.

Područje mjesne zajednice Jabuka čini dio područja Općine Foča, koji obuhvata naseljena mjesta i to : Jezero, Udovčići, Rdeljevići, Lokve, Šahbašići, Jabuka, Kumjenovići, Poplatići, Smječa, Vučija Jama, Dolišta, Grebak, Božanoviće, Zbič, Bešlići, Donje Selo, Rosulje, Draževo, Stojkovići, Račići, Modro Polje, Pobirjanovići, Dragovići, Magudovići, Ljaljica, Podgrađe, Jamići, Podstijena, Vukšići, Milotina, Kolakovići, Zabor, Slavčići, Rosulje, Vojnići, Kutorina, Tahuljići i Podhrid..

Član 3.

Mjesna zajednica kao obavezan oblik mjesne samouprave ima svojstvo pravnog lica. Sjedište mjesne zajednice je u Jabuci ulica Jabuka bb.

Član 4.

Naziv mjesne zajednice je Mjesna zajednica Jabuka. Mjesna zajednica ima svoj pečat. Pečat mjesne zajednice je okruglog oblika čija veličina, sadržaj i način upotrebe se uređuje posebnim propisima u skladu sa Odlukom o pečatu Općine.

II - PRAVA I DUŽNOSTI

Član 5.

U Mjesnoj zajednici građani ostvaruju svoje zajedničke interese i potrebe u oblasti uređenja naselja, stanovanja, komunalnih djelatnosti, dječije i socijalne zaštite, obrazovanja i vaspitanja, kulture i zaštite i unapređenja čovjekove sredine, kao i drugim oblicima života i rada.

Član 6.

Građani u mjesnoj zajednici kroz organe mjesne zajednice odlučuju o poslovima značajnim za život i rad na području mjesne zajednice, utvrđene zakonom, Statutom Općine Foča i Statutom Mjesne zajednice.

Član 7.

Mjesno područje je teritorijalno određen dio mjesne zajednice koji čini dio naselja ili jedno naselje ili više međusobno povezanih naselja.

Član 8.

Općinsko vijeće može svojom odlukom prenijeti na mjesnu zajednicu izvršavanje određenih poslova iz svoje nadležnosti, a naročito izgradnju, održavanje i upravljanje objektima za potrebe obrazovanja, sporta, kulture, infrastrukture i slično uz obezbjeđivanje finansijskih sredstava.

Član 9.

Prava i dužnosti mjesne zajednice utvrđena zakonom, Statutom općine i ovim Statutom ne mogu biti uskraćena ili ograničena od općinske ili drugih vlasti.

Mjesnu zajednicu osniva Općinsko vijeće odlukom, u skladu sa zakonom i Statutom općine.

Odlukom o osnivanju Mjesne zajednice utvrđuje se: naziv, sjedište, područje mjesne zajednice, mjesnog područja, odnosno drugi dijelovi mjesne zajednice, kao i druga pitanja u vezi sa ostvarivanjem mjesne samouprave.

O promjeni naziva Mjesne zajednice odlučuje Općinsko vijeće.

Inicijativu o osnivanju mjesne zajednice mogu pokrenuti građani (najmanje 30 % birača od ukupno upisanih u birački spisak naseljenog mjesta), udruženja građana sa područja naseljenog mjesta za čije se područje predlaže osnivanje nove mjesne zajednice, Općinsko vijeće ili Načelnik Općine.

O inicijativi za osnivanje mjesne zajednice glasa je javno na Zborovima građana mjesne zajednice, a inicijativa je prihvaćena ako se za nju izjasni 30 % birača od ukupno upisanih u birački spisak naselja za čije se područje predlaže osnivanje mjesne zajednice. Usvojena inicijativa se dostavlja Općinskom vijeću.

Član 10.

Nakon što je inicijativa o osnivanju mjesne zajednice iz prethodnog stava prihvaćena, Općinsko vijeće će u roku od 60 dana zauzeti stav o pravnoj valjanosti i osnovanosti pokrenute inicijative.

O prihvaćanju inicijative Općinsko vijeće donosi odluku.

Statut mjesne zajednice donosi Zbor građana mjesne zajednice većinom od ukupnog broja prisutnih građana, s tim što taj broj mora biti najmanje trideset.

III - OBLICI ODLUČIVANJA LIČNIM IZJAŠNJAVANJEM

1. Referendum

Član 11.

Građani u Mjesnoj zajednici referendumom odlučuju o :

- zavođenju samodoprinosu za cijelo područje ili dio Mjesne zajednice
- drugim pitanjima za koje je po zakonu određeno odlučivanje referendumom ili koja su u nadležnosti Savjeta mjesne zajednice.

Član 12.

Referendum za područje Mjesne zajednice ili dio tog područja raspisuje Općinsko vijeće ako su za sprovođenje referenduma podnijele prijedlog : najmanje 1/3 Savjeta Mjesnih zajednica sa područja Općine Foča sa sjedištem u Ustikolini ili

- jedna trećina vijećnika Općinskog vijeća
- općinski načelnik

Član 13.

Inicijativu, odnosno prijedlog za održavanje referenduma podnosi Zbor građana Savjetu Mjesne zajednice koji istu prihvata i dostavlja je na adresu Općinskog vijeća.

Član 14.

Inicijativu za održavanje referenduma Savjet Mjesne zajednice podnosi Općinskom vijeću koje je obavezno da odluči o prijedlogu za raspisivanje referenduma u roku od 60 dana od dana njenog prijema.

Član 15.

Općinsko vijeće će svojom odlukom odrediti pitanje o kojem građani treba da se izjasne na referendumu, određuju datum održavanja referenduma, kao i područje na kojem će se referendum provesti. Referendum provodi Komisija koju imenuje Općinsko vijeće.

Član 16.

Na referendumu se građani izjašnjavaju tajnim glasanjem "ZA" ili "PROTIV" prijedloga o kojem se glasa.

Ako građani na referendumu odbiju određeni prijedlog , to se pitanje ponovo može staviti na izjašnjavanje referendumom nakon isteka od godinu dana.

Član 17.

O ostvarivanju odluka donesenih na referendumu, Savjet Mjesne zajednice obavještava Zbor građana. Odluka o raspisivanju referenduma objavljuje se u "Službenim novinama BPK-a Goražde".

2. Zbor građana

Član 18.

Zbor građana čine svi građani koji imaju prebivalište na području mjesne zajednice i imaju biračko pravo. Na području Mjesne zajednice utvrđuju se mjesna područja za koja se određuju zborovi, a to su: Lokve, Magudovići, Jabuka, Modro Polje, Zbič .

Mjesno područje Lokve pripadaju sljedeća naseljena mjesta: Lokve , Jezero, Udovčići, Šahbašići, Radeljevići i isti u Savjet mjesne zajednice biraju dva člana.

Mjesno područje Magudovići pripadaju sljedeća naseljena mjesta: Magudovići, Pobiranovići, Dragovići , Zabor , Lugovi i isti u savjet mjesne zajednice biraju jednog člana.

Mjesno područje Jabuka pripadaju sljedeća naseljena mjesta: Jabuka , Kumjenovići, Poplatići, Vojnići, Slavičići, Ljaljica i isti u Savjet mjesne zajednice biraju dva člana.

Mjesno područje Modro polje pripadaju sljedeća naseljena mjesta: Modro polje, Bešlići, Račići, Podgrađe, Podstijena, Vukšići, Draževo i isti u Savjet mjesne zajednice biraju jednog člana.

Mjesno područje Zbič pripadaju sljedeća naseljena mjesta: Zbič, Dragomilići, Božanovići, Kozarevići, Jamići, Tahuljići, Grebak, Smječa, Mazlina i isti u Savjet mjesne zajednice biraju jednog člana.

Član 19.

Radi razmatranja pojedinih pitanja može se održati zajednički Zbor građana cijele mjesne zajednice.

Član 20.

Građani na Zboru daju inicijative, prijedloge, mišljenja, usaglašavaju stavove u ostvarivanju prava i interesa i donose odluke u skladu sa zakonom i ovim Statutom.

Član 21.

Zbor građana saziva predsjednik Savjeta Mjesne zajednice.

Na osnovu stava 2. člana 69. Statuta Općine isti mogu sazvati Općinski načelnik ili Općinsko vijeće, kada ocijene da je to potrebno.

Mjesni zbor građana saziva se za dio područja Mjesne zajednice koji čini zasebnu cjelinu (ulica, dio naselja, stambeni blok ili više naseljenih mjesta).

Zbor građana saziva se javnim pozivanjem na način prikladan mjesnim prilikama. Javni poziv se može uputiti putem medija ili drugih sredstava javnog informisanja, oglašavanjem na oglasnoj tabli u mjesnim uredima, Mjesnim zajednicama, na javnim objektima ili na drugi prikladniji način. Poziv na zbor sadrži mjesto i vrijeme održavanja Zbora građana.

Član 22.

Organi mjesne zajednice dužni su organizirati i osigurati održavanje Zbora građana. O održavanju Zbora građana brine se predsjednik Savjeta mjesne zajednice, odnosno njegov zamjenik.

Član 23.

Odluka donesena na Zboru građana obavezujuća je za Savjet Mjesne zajednice, ali ne obavezuje Općinskog načelnika i Općinsko vijeće.

Mišljenja i prijedloge iznesene na Zboru građana Općinsko vijeće i Općinski načelnik dužni su razmatrati u toku rasprave o pitanju na koja se ta mišljenja i prijedlozi odnose. Savjet mjesne zajednice dužan je obavijestiti Zbor građana o tome šta je poduzeto u vezi s njihovim mišljenjem.

Član 24.

O radu Zbora građana vodi se zapisnik, koji sadrži mjesto i vrijeme održavanja, broj prisutnih, dnevni red i zaključke koje Zbor građana donese.

3. Pismeno izjašnjavanje

Član 25.

Građani mogu odlučivati putem pismenog izjašnjavanja. Pismeno izjašnjavanje se može organizovati o svim pitanjima o kojima se raspravlja na Zboru građana, posebno pri izboru članova Savjeta mjesne zajednice.

Član 26.

Savjet mjesne zajednice pokreće postupak za pismeno izjašnjavanje i utvrđuje prijedlog o kome se građani izjašnjavaju pismeno. Način i postupak pismenog izjašnjavanja bliže određuje Savjet mjesne zajednice u skladu sa Statutom Mjesne zajednice.

IV - ORGANI MJESNE ZAJEDNICE

Član 27.

Organi mjesne zajednice su :

- Savjet mjesne zajednice
- Zbor građana

Član 28.

Radi ostvarivanja, ovim Statutom utvrđenih prava i dužnosti građana, obrazuju se organi Mjesne zajednice: Savjet mjesne zajednice, Zbor građana, Savjet mjesne zajednice može obrazovati i druge organe Mjesne zajednice. Aktom o obrazovanju organa utvrđuje se djelokrug, način rada i sastav, kao i druga pitanja od značaja za rad tog organa.

Član 29.

Organi Mjesne zajednice mogu u skladu sa ovim Statutom donositi poslovničke o svom radu.

1. Savjet mjesne zajednice

1.1. Izbor i konstituisanje

Član 30.

Savjet mjesne zajednice, kao najviši organ upravljanja čini 7. članova.

Član 31.

Mandat članova Savjeta mjesne zajednice i njegovih organa traje 4 (četiri) godine i mogu biti ponovo birani.

Član 32.

Prijedlog kandidata za članove Savjeta mjesne zajednice mogu podnijeti :

- građani (pojedinačno ili grupno)
- organi i udruženja građana koja djeluju na području Mjesne zajednice
- organi političkih organizacija koje djeluju na području Mjesne zajednice

Za člana Savjeta mjesne zajednice može biti izabran građanin upisan u birački spisak Općine, s prebivalištem na području Mjesne zajednice, odnosno sa pravom glasa za izbor Općinskog vijeća u općini.

Član 33.

Predlaganje kandidata vrši se na Zboru građana mjesnog područja. Radom Zbora građana vrši Radno predsjedništvo koje je odredio Savjet mjesne zajednice. Radno predsjedništvo upoznaje Zbor građana o ukupnom broju članova Savjeta mjesne zajednice koji se biraju, a posebno naglašavajući broj koji daje dato područje (mjesna zastupljenost).

Član 34.

Prijedlozi kandidata za Savjet mjesne zajednice se podnose u usmenoj formi na Zboru građana područja Mjesne zajednice.

Član 35.

Nakon završenog predlaganja kandidata za Savjet mjesne zajednice Radno predsjedništvo saopćava imena svih predloženih kandidata. Obavezujuća je zastupljenost svakog mjesnog područja.

Član 36.

Izbor članova Savjeta mjesne zajednice vrše građani na zboru neposrednim, tajnim glasanjem sa mandatom od četiri godine. Izabrani su oni kandidati koji su dobili većinu glasova prisutnih na Zboru, a prednost imaju kandidati koji su dobili veći broj glasova.

Član 37.

Mandat članova Savjeta mjesne zajednice prestaje:

- istekom perioda za koji je izabran;
- ostavkom;

- preseljenjem u drugo područje Mjesne zajednice;
- opozivom;
- upućivanjem na izdržavanje kazne zatvora duže od 6 mjeseci i
- ako je pravosnažnom sudskom odlukom lišen poslovne sposobnosti

Član 38.

Ako članu Savjeta mjesne zajednice prestane mandat prije isteka roka za koji je izabran, dopunski izbori za to mjesto će se provesti na način i po postupku utvrđenom za redovne izbore.

Član 39.

Inicijativu za provođenje postupka opoziva članova Savjeta mjesne zajednice mogu pokrenuti:

- Zbor građana
- Savjet mjesne zajednice i
- Političke organizacije

Savjet mjesne zajednice razmatra inicijativu za pokretanje postupka za opoziv. Ako inicijativa bude prihvaćena, postupak za opoziv se provodi na način utvrđen za izbor članova Savjeta mjesne zajednice.

Član 40.

Savjet mjesne zajednice se konstituira izborom predsjednika Savjeta mjesne zajednice, njegovog zamjenika i radnih tijela.

Odluka o izboru organa iz stava 1. ovog člana donosi se većinom glasova svih članova Savjeta mjesne zajednice.

Savjet mjesne zajednice može punovažno odlučivati ako sjednici prisustvuje većina od ukupnog broja članova Savjeta mjesne zajednice.

Član 41.

Predsjednik i zamjenik Savjeta mjesne zajednice biraju se na period od 4 (četiri) godine i mogu biti birani najviše dva uzastopna mandata na istu funkciju u Savjetu mjesne zajednice.

Član 42.

Predsjednik Savjeta mjesne zajednice predstavlja i zastupa Mjesnu zajednicu u okviru ovlaštenja utvrđenim ovim Statutom, stara se o pripremi i sazivanju sjednica, predsjedava sjednicama Savjeta mjesne zajednice, Zbora građana, potpisuje akte Savjeta mjesne zajednice u skladu sa odredbama Statuta mjesne zajednice.

U slučaju spriječenosti predsjednika Savjeta mjesne zajednice, u vršenju poslova i postupaka iz stava 1. ovog člana, mijenja ga njegov zamjenik.

Predsjednik Savjeta mjesne zajednice i njegov zamjenik za svoj rad su odgovorni Savjetu mjesne zajednice.

1.2. Djelokrug i način rada Savjeta mjesne zajednice

Član 43.

Savjet mjesne zajednice razmatra i većinom glasova ukupnog broja članova Savjeta mjesne zajednice odlučuje o :

- utvrđuje prijedlog Statuta mjesne zajednice i drugih općih akata, o kojima se odluka donosi izjašnjavanjem građana na Zboru građana,
- finansijskom planu i finansijskom izvještaju,
- godišnjem programu rada Savjeta mjesne zajednice,
- izborima, imenovanjima i razrješenjima,
- izvještaje o radu Savjeta mjesne zajednice,
- obrazovanju organa i radnih tijela Mjesne zajednice,
- planu zaštite od elementarnih nepogoda,
- programu zaštite i unaprijeđenju životne sredine,
- odlukama o udruživanju sredstava Mjesne zajednice sa sredstvima drugih Mjesnih zajednica, organizacija i zajednica
- predlaže uređenje namjenskog korištenja poslovnih prostorija i prostornog planiranja na području Mjesne zajednice
- u okviru svojih nadležnosti utiče na zaključenje korištenja i namjene poslovnog prostora i prostornog planiranja
- i drugim pitanjima utvrđenim ovim Statutom i zakonom.

Član 44.

Savjet mjesne zajednice u oblasti odbrane i samozaštite, naručito:

- donosi plan odbrane, plan za druge vanredne prilike i plan mjera i aktivnosti samozaštite Mjesne zajednice,
- stara se o zadovoljavanju materijalnih i drugih potreba odbrane i samozaštite,
- donosi opšta akta o organizaciji i zadacima u provođenju priprema za odbranu i samozaštitu za koja je ovim Statutom ovlašten i vrši druga prava i dužnosti u oblasti odbrane i samozaštite utvrđenim ovim Statutom i drugim opštim aktima Mjesne zajednice, a u skladu sa zakonom.

1.3. Prava i dužnosti članova savjeta mjesne zajednice

Član 45.

Prava i dužnosti člana Savjeta mjesne zajednice su : da prisustvuje sjednicama i učestvuje u radu Savjeta mjesne zajednice, da pokreće pitanja iz djelokruga Savjeta mjesne zajednice, podnosi prijedloge, kao i da učestvuje u sprovođenju odluka i zaključaka Savjeta mjesne zajednice.

Član 46.

Za svoj rad Savjet mjesne zajednice je odgovoran građanima. Jedanput godišnje Savjet mjesne zajednice podnosi izvještaj Zboru građana.

2. Zbor građana

Član 47.

Zbor građana je organ konsultovanja o pitanjima o kojima odlučuje Savjet mjesne zajednice, kao i o pitanjima o kojima odlučuje općinsko vijeće dvotrećinskom većinom, te u postupku donošenja budžeta i planova Općine, naručito u dijelu koji se odnosi na područje Mjesne zajednice. Savjet mjesne zajednice saziva Zbor građana mjesne zajednice po potrebi, a

obavezno na zahtjev Općinskog vijeća, općinskog načelnika, kao i na inicijativu najmanje 30 građana mjesnog područja za koje se održava Zbor građana.
Nadzor nad radom mjesne zajednice vrši Općinsko vijeće.

V - SREDSTVA ZA ZADOVOLJAVANJE POTREBA I INTERESA GRAĐANA

Član 48.

Građani u Mjesnoj zajednici zadovoljavaju svoje potrebe i interese od :

- sredstava koja općina ustupi Mjesnoj zajednici za redovnu djelatnost, kao učešće u finansiranju zadataka predviđenih planovima i programima razvoja Mjesne zajednice;
- sredstava koja se obezbjeđe samodoprinosa ili na drugi način;
- sredstava koja radi zadovoljavanja zajedničkih potreba udruže radnici u privrednim i drugim organizacijama područja Mjesne zajednice i radnici u privrednim i drugim organizacijama, čiji članovi žive na području Mjesne zajednice;
- naknada za usluge koje organizuju i izvršavaju građani u mjesnoj zajednici i drugim prihodima, što ih svojim aktivnostima ostvari Mjesna zajednica;
- sredstva iz drugih izvora.

Član 49.

Radi ostvarivanja nadzora nad prikupljanjem i korištenjem sredstava samodoprinosu, Savjet mjesne zajednice je dužan najmanje jedanput godišnje obavijestiti o naplati i korištenju sredstava samodoprinosu i drugog.

Član 50.

Mjesna zajednica samostalno raspolaže svojim sredstvima u skladu sa programom rada i finansijskim planom.

Sredstva dodjeljena sa određenom namjenom moraju se rasporediti za namjene za koja su dodjeljena.

VI - JAVNOST RADA I INFORMISANJE

Član 51.

Rad Zbora građana, sjednice organa Mjesne zajednice i svih drugih oblika aktivnosti u Mjesnoj zajednici je javan i dostupan svim građanima u Mjesnoj zajednici i sredstvima informisanja. Samo u izuzetnim slučajevima kada su na dnevnom redu određena pitanja povjerljive prirode, naznačena kao takva od organa državne uprave, organi Mjesne zajednice održat će sjednicu bez prisustva javnosti.

Član 52.

Građani na pogodan način treba da budu blagovremeno obavješteni o održavanju Zbora, sjednica, skupova i slično, radi omogućavanja njihovog prisustva i učešća.

Organi Mjesne zajednice obavještavaju građane o svom radu povremeno, a najmanje jedanput godišnje.

VII - OBAVLJANJE STRUČNIH I ADMINISTRATIVNO - TEHNIČKIH POSLOVA

Član 53.

Administrativno - tehničke poslove u Savjetu mjesne zajednice obavlja lice koje imenuje Savjet mjesne zajednice, angažovanje reguliše svojom odlukom.

VIII - SARADNJA MJESNE ZAJEDNICE SA OPĆINOM I DRUGIM MJESNIM ZAJEDNICAMA, ODNOSNO DRUGIM SUBJEKTIMA

Član 54.

Mjesna zajednica saraduje sa Općinom i njenim službama po svim pitanjima koja su od interesa za građane, a naročito po pitanju obrazovanja Mjesnih zajednica, podsticaja i praćenja rada Mjesnih zajednica, raspodjele budžetskih sredstava za zadovoljavanje zajedničkih potreba i interesa i drugim pitanjima po kojima je neophodna saradnja Općine i Mjesne zajednice.

Član 55.

U ostvarivanju svojih prava i dužnosti mjesna zajednica saraduje sa drugim mjesnim zajednicama, preduzećima i drugim organizacijama i zajednicama. Saradnja sa drugim Mjesnim zajednicama ostvaruje se kroz zajedničke akcije na ostvarivanju zadataka koji predstavljaju zajednički interes građana.

IX - POSTUPAK IZMJENE I DOPUNE STATUTA

Član 56.

Statut i drugi akti Mjesne zajednice objavljuju se na oglasnim tablama mjesne zajednice i općine.

Član 57.

Izmjene i dopune Statuta mjesne zajednice se vrše na Zboru građana mjesne zajednice.

Član 58.

Danom stupanja na snagu ovog Statuta, prestaje da važi Statut mjesne zajednice broj _____ od _____ godine.

Član 59.

Ovaj Statut stupa na snagu osmog dana od dana objavljivanja na oglasnim tablama Mjesne zajednice i Općine.

Broj: _____/17
Jabuka: 21. 07. 2017. godine

Predsjednik Zbora građana
Mjesne zajednice Jabuka
